

Stáhtaráði ášahus

boazodoalu ja luondduealáhusaid ráhkadusdoarjagiin addojuvvon stáhtaráði ášahusa rievdadeamis

Stáhtaráði mearrádusa mielde
rieviduvvo boazodoalu ja luondduealáhusaid ráhkadusdoarjagiin addojuvvon stáhtaráði ášahus (276/2017) 32 ja 41 §, 43 § 4 momenta, 48 § 1 momenta sihke 51 §, dakkárin go dat leat 41 § oassin ášahusas 267/2023, čuovvovaččat:

32 §

Bálgesa guoskevaš eavttut

Earret bálgesiid ovttas eaiggáduššan boazonjuovahagaid doarjaga miediheami eaktun leat, ahte bálgesis doahhtaluvvo buorre boazobargovuohki ja bálgesa eallit guđđojuvvon bohccuid mearri ii mana badjel bálgesii boazodoallolága vuodul váfistuvvon stuorimus lobálaš boazomeari. Eallinvuoibmeguovddáš sáhtá dattetge mearrat, ahte doarjja miediuvvo, juos bálgesa eallit báhcán bohccuid mearri lea eanemusat golbma proseantta stuorit go ovddabealde dárkkuhuvvon stuorimus lobálaš boazomeari ja doarjjaohcci ovdanbuktá earenoamáš ákkaid váfistuvvon boazomeari badjel mannamii.

41 §

Manu duodašteapmi

Doarjaga máksima ja loana loktema gáibádussan lea, ahte doarjaga oažžu laktá máksima guoskevaš ohcamuššii sirrema doaibmabijus šaddan goluin ja doaibmabiju ovdáneamis. Doarjja ii máksojuvvo ovdal go gollu lea girjejuvvon doarjaga oažžu rehketdollui dahje muituimerkengeatnegasa vearrogeatnegahtton oasis muituimerkejumiide.

Vistehuksendoarjaga máksima ja loana loktema eaktun lea, ahte doarjjaoažžu ovdanbuktá eallinvuoibmeguovddáža dohkkehan duodaštusa investerema gárvánanceahkis.

Oassemáksogávppiin háhkkojuvvon opmodaga doarjaga ohcamis doarjjaoažžu galgá doaimmahit eallinvuoibmeguovddážii ruhtadanfitnodaga čálalaš ilmmuhusa oassemáksosoahpamušain hahkkojuvvon opmodaga mávssuin háhkamuša doaimmaheaddjái. Ilmmuhusas galgá boahtit ovdan guđege máksineari euromearri ja máksinbeaivi.

43 §

Eará doarjaga máksu ja loana lokten

Eallinvuoibmeguovddáš sáhtá mearridit, ahte doarjja máksojuvvo dehe loatna oažžu loktejuvvot mearreáiggi mannel dahkkojuvvon ohcamušas, juos ohcci ovdanbuktá lossa ákkaid ohcamuša mannoneapmái, ohcamuš ii leat mannonan čielgasit, máksima mannonan ohcan ii leat váikkuhan doaibmabiju ollahuhttimii iige máksin váikkut ohcciid bealehis meannudeapmái.

48 §

Lotnii gullevaš doarjaga mearri

Eallinvuoibmeguovddáš mearrida eanemusmeriin, mii loatnaáigge sáhttá adnojuvvot stáhtaloana reantoovdun, oanádusaid friddjajahkin, reantofriddjavuohtan ja dáhkítmeahttunvuoda doarjjan dehe reantodoarjjaloana reantodoarjjan.

51 §

Loatnaeavttuid earáhuhttin

Loatnalágádus ja loatnaoažžu eaba oaččo soahpat loana eavttuid rievdadeamis eallinvuoibmeguovddáža lobi haga, juos lea vuorddehahti, ahte rievdadusa geažil stáhta manut lassánit loatnaáigge, mii lea vel báhcán. Reantodoarjjaloana eavttuid oažžu dattetge rievdadit dan mannel, go loana reantodoarjja lea máksojuvvon ollásit, juos loana dáhkádussan ii leat stáhtadáhkádus.

Eallinvuoibmeguovddáža lohpi loatnaeavttuid nuppástuhttimii galgá háhkkojuvvot ovdal go dan oanidanearri dehe reanttu máksingeatnegasvuohta lea doarjaga eavttuid mielde šaddan, man nuppástusohcan guoská dehe, juos gažaldat lea loanas, mii lea dáhkádusa čuožáhahkan, ovdal go oanideapmi, mii lea manideami čuožáhahkan, lea šaddan máksinládje.

Dát ásahus boahtá vuoibmái guovvamánu 23 beaivvi 2026.

Helssegis 19.2.2026

Eanan- ja meahccedoalloministtar Sari Essayah

Ráddehusčalli Joona Huhtakangas